

श्री हर्षपुष्पामृत जैन ग्रन्थमाला ग्रन्थाङ्कः २९५

॥ श्री महावीरजिनेन्द्राय नमः ॥
॥ श्रीमणिबुद्धयाणंदहर्षकर्पूरामृतसूरिभ्यो नमः ॥

श्रुतस्थविरविरचिता

श्री द्वीपसागर-प्रज्ञप्ति संग्रहणी

- संशोधकः संपादकश्च -

तपोमूर्ति पूज्याचार्यदेव-श्रीविजयकर्पूरसूरीश्वर-

पट्टधर-हालारदेशोद्धारक-

पूज्याचार्यदेव-श्रीविजयामृतसूरीश्वर-पट्टधरः

पूज्याचार्यदेवश्री विजयजिनेन्द्रसूरीश्वरः

सहायकः

पू. पं. श्री भद्रानंदविजय गणिवर शिष्यादि-
पू. मूतिराजश्री मुक्तिधनविजय पू. मु. श्री पुण्यधन
विजयोपदेशेन श्री बारेजा (अमदावाद)
श्री श्वेतांबरमूर्तिपूजक जैन संघः

प्रकाशयित्री

श्री हर्षपुष्पामृत जैन ग्रन्थमाला
लाखाबावल-शांतिपुरी (सौराष्ट्र)

श्री हर्षपुष्पामृत जैन ग्रन्थमाला ग्रन्थाङ्कः २९५

॥ श्री महावीरजिनेन्द्राय नमः ॥

॥ श्रीमणिबुद्ध्याणंदहर्षकर्पूरामृतसूरिभ्यो नमः ॥

श्रुतस्थविरविरचिता

श्री द्वीपसागर-प्रज्ञप्ति संग्रहणी

- संशोधकः संपादकश्च -

आशुतोषमहर्षि प्रज्ञाचार्यदेव-श्रीविजयकर्पूरसूरीश्वर-

आ ग्रन्थमां २२३ गलाम्नेशोद्धारक-

पूज्याचार्य-श्रीविजयामृतसूरीश्वर-पट्टधरः

पूज्याचार्यदेवश्री विजयजिनेन्द्रसूरीश्वरः

सहायकः

पू. पं. श्री भद्रानंदविजय गणिवर शिष्यादि-

पू. मूनिराजश्री मुक्तिधनविजय पू. मु. श्री पुण्यधन

विजयोपदेशेन श्री बारेजा (अमदावाद)

श्री श्वेतांबरमूर्तिपूजक जैन संघः

प्रकाशयित्री

श्री हर्षपुष्पामृत जैन ग्रन्थमाला

लाखाबावल-शांतिपुरी (सौराष्ट्र)

प्रकाशिका:—श्री हर्षपुष्पामृत जैन ग्रंथमाला (लाखाबावल
C/o. श्रुतज्ञान भवन, ४५, दिग्विजय प्लोट,
जामनगर (हालार) सौराष्ट्र

वीर सं	विक्रम सं.	सन्	प्रथमावृत्ति:
२५२१	२०५१	१९९४	प्रतयः ७५०

आभार दर्शन.

अमारी ग्रन्थमाला तरफथी प्राचीन साहित्य प्रकाशन
योजनामां ग्रन्थांक २९५ तरीके आश्री द्वीपसागर प्रज्ञा
संग्रहणी प्रगट करीए छीए तेनुं संपन्न पू. आ. श्री वि
जिनेन्द्रसूरीश्वरजी महाराजे कर्युं छे.

आ ग्रन्थना प्रकाशन माटे प पू. आचार्यदेवेश श्रीमद्
विजयरामचन्द्रसूरीश्वरजी महाराजाना पट्टधर पूज्य आ. श्री
विजय जितमंगांक सूरीश्वरजी म.ना शिष्यरत्न पू. पं. श्री
भद्रानंद विजयजी गणिवरना शिष्यादि पू. मु. श्री मुक्तिधन
विजयजी म. तथा पू. मु. श्री पुण्यधनविजयजी म.ना सदु-
देशथी श्री इवेतांबर मूर्तिपूजक संघ बारेजा तरफथी
सहकार मल्यो छे ते माटे उपदेशक पू. श्री तथा श्री संपन्नो
आभार मानीए छीए.

ता. १०-१०-९४

शाकमारकेट सामे,

जामनगर

महेता मगनलाल चत्रभुज

व्यवस्थापक

श्री हर्षपुष्पामृत जैन ग्रन्थमाला



શ્રી જૈન શાસનમાં પ્રસિદ્ધ ૪૫ આગમ ઉપરાંત બીજા પળ આગમ ગ્રન્થો છે. જે પક્ષીસૂત્ર આદિમાં તે મામો આવે છે તેમાં દ્વીપસાગરપ્રજ્ઞપ્તિ સૂત્રની નોંધ છે. તે સૂત્રની આ સંગ્રહણી છે. જેન રચનાર શ્રુતસ્થવિર છે.

આ ગ્રન્થમાં ૨૨૩ પ્રાકૃત પદ્યો છે જેમાં દ્વીપ સમૃદ્ધોનું વર્ણન છે. મનુષ્યક્ષેત્ર બેહારના દ્વીપોનું વર્ણન અણેદમ સમુદ્ર અને અરુણવર દ્વીપ સુધીનું વર્ણન છે જેમાં ક્ષેત્ર તેમજ નીચે ભવનપતિ આદિ અને ઉપર ચંદ્રસૂર્યની પંક્તિઓનું વર્ણન છે.

ગ્રન્થનું નામ છે તે રીતનું વર્ણન છે. જે પદાર્થો અનેક સૂત્ર અને સંગ્રહણીઓમાં આવે છે. જેનો બોધ પ્રાપ્ત કરવો જરૂરી છે.

૨૦૫૦ આસો સુદ ૧૫
પીપલી બજાર,
ઇન્દોર

જિનેન્દ્રસરિ

अनुक्रमः

क्रमः	विषयः	पृष्ठः
१	मानुषोत्तरः	१
२	मलिनोदकाद्यः	३
३	नंदीश्वरद्वीपः	३
४	कुण्डलद्वीपः	८
५	रुचकद्वीपः	१२
६	शङ्खवरद्वीपः	१७
७	अरुणद्वीपः	१७

शुद्धिपत्रकम्

पृष्ठः	पंक्तिः	शुद्धम्
६	१	चेइयरुखा
६	११	दक्खिण
६	१२	पुक्खरिणो
८	५	पुव्वुत्तर
८	७	तणुओ
९	१	कणगुत्तमे
९	२०	पंडुकेसीए
१०	१६	सेलस्सवि
१२	११	रत्तमदीवस्स
१३	११	धंतरुव
१६	७	चेव
१६	१८	सिरिधरे
१६	१९	सुप्पभे चेव
१७	२	सुभद्भदे
१८	१८	तं तिगुणं
२०	६	पक्खेसो अ
२०	९	पेच्छाघराण

अहंम्

पू. आ. श्री विजयसिद्धिसूरिभ्यो नमः

श्री श्रुतस्थविरविरचिता

श्रीद्वीपसागरप्रज्ञप्तिसंग्रहणी

(सिरिदीवसागरपण्णत्तिसंघयणी)

मानुषोत्तरः—

पुक्खरवरदीवडुं परिक्खवइ माणुसोत्तारो सेलो ।

पायारसरिसरूवो विभयंतो माणुसं लोयं ॥१॥

सत्तरसइक्कवीसाइं जोयणसयाइं सो समुच्चिद्धो ।

चत्तारि य तीसाइं मूले कोसं च ओगाढो ॥२॥

दस बावीसाइ अहे विच्छिण्णो होइ जोयणसयाइं ।

सत्त य तेवीसाइं विच्छिण्णो होइ मज्झंमि ॥३॥

चत्तारि य चउवीसे वित्थारो होइ उवरि सेलस्स ।

अड्डाइज्जे दीवे दो वि समुद्दे अणुपरीइ ॥४॥

तस्सुवरि माणुसनगस्स कूडा दिसि विदिसि होंति ।

सोलस उ तेसिं नामावलियं अहक्कम्मं किंताइस्सामि

॥५॥

पुब्बेण तिण्णि कूडा दक्खिणओ तिण्णि तिण्णि अवरेणं ।

उत्तरओ तिन्नि भवे चउदिसि माणुसनगस्स ॥६॥

वेरुलियमसारे खलु त हस्सगब्भे य होंति अंजणगे ।

अंकामए अरिट्ठे खए तह जायरूवे य ॥७॥

नवमे य सिलप्पवहे तत्तो फलिहे य लोहियक्खे य ।
 वयराभए य कूडे परिमाणं तेसि वुच्छामि ॥८॥
 एएसि कुडाणं उस्सेहो पंच जोयणसयाइं पंचेव ।
 जोयणसए मूलम्मि उ होंति विच्छिन्ना ॥९॥
 वेरुलियमसारे तिन्नि पन्नत्तरि जोयणसयाइं मज्झम्मि ।
 अड्डाइज्जं य सए सिहरतले वित्थडा कूडा ॥१०॥
 एगं चेव सहस्सं पंचेव सयाइं एगसीयाइं ।
 मूलम्मि उ कूडाइं सविसेसो परिरओ होइ ॥११॥
 एगं चेव सहस्सं छलसीयं च तह य होइ सयमेगं ।
 मज्झम्मि उ कूडाणं बिसेसहीणो परिक्खेवो ॥१२॥
 सत्तेव जोयणसया एक्काण उ (छ)य च जोयणा होंति ।
 सिहरतले कूडाणं बिसेसहीणो परिक्खेवो ॥१३॥
 ऊसे य संसिया भद्दे तत्तो भवे सुभद्दे य ।
 अठ्ठे य सव्वओ रुंदे आणंदे चेव नंदे य ॥१४॥
 नंदिसेणे य मोडेय गोथुभे य सुदंसणे ।
 पलिओवमठ्ठिईया नागसुवन्ना परिवसंति ॥१५॥
 दक्खिणपुव्वेणं रयणकूडा गरुलस्स वेणुदेवस्स ।
 सव्वरयणं तु पुव्वत्तरेणं तु वेणुदालिस्स ॥१६॥
 रयणस्स अवरपासे तिण्णि वि समइच्छिऊणं कुडाइं ।
 कूडं वेलंबस्स उ विलंबसुहियं सया होइ ॥१७॥

सव्वरयणस्स अवरेण तिण्णि समइच्छिऊण कुडाइ ।
कूडं पभंजणस्सा पभंजणं आढिय होइ ॥१८॥

नलिनोदकाद्याः—

तीसं च सयसहस्सा दस य सहस्सा हवन्ति बोद्धव्वा ।
गोतित्थेहिं विरहियं खित्तं नलिणोदगसमुद्दे ॥१९॥
विवखंभ परिकखेवो सो चेव कमो उ होइ नलिणोदे ।
दस चेव जोयणसए उव्विद्धो न विवसो उवो ॥२०॥

एगाजोयणकोडी छव्वीसा दस य जोयणसहस्सा ।
गोतित्थेण विरहियं सुरारमे सागरे खेत्तं ॥२१॥
पंचेव य कोडीओ दसुत्तरा दस य जोयणसहस्सा ।
गोतित्थेण विरहियं खीरवरे सायरे खेत्तं ॥२२॥

वीसं जोयणकोडी छायाली दसय जोयणसहस्सा ।
गोतित्थेण विरहियं खेत्तं घयसागरे होइ ॥२३॥

एगासीइ कोडीण नउया दस चेव जोयणसहस्सा ।
गोतित्थेण विरहियं खोयवरसे सागरे खेत्तं ॥२४॥

नन्दीश्वरद्वीपः—

तेवट्ट कोडिसयं चउरासीइं च सयसहस्साइं ।
नंदीसरा वरदीवे विक्खंमो चक्कवालेणं ॥२५॥

एगासीएगनउआइ पचाणउइं भवे सहस्साइं ।
तिण्णेव जोयणसए ओगाहित्ताण अंजणगा ॥२६॥

चुलसीइ सहस्साइं उविद्धा ते गया सहस्समहे ।
 धरणियले विच्छिण्णा अणूणगे ते दससहस्से ॥२७॥
 जत्थिच्छसि विक्खम्भं अंजणगणगाउ उ उवरिवत्ताणं ।
 तं तिगुणियं तु काउं अट्ठावीसाए विभयाहि ॥२८॥
 नव चेव सहस्साइं पंचेव य होंति जोयणसयाइं ।
 अंजणगपव्वयाणं मूलम्मिउ होइ विक्खंभो ॥२९॥
 तीसं चेव सहस्सा बायालीसं च जोयणाऊणा ।
 अंजणगपव्वयाणं मूलम्मि उ परिरओ होइ ॥३०॥
 नव चेव सहस्साइं दो चेव सया हवंतिउ अपूण्णा ।
 अंजणगपव्वयाणं धरणियले होइ विक्खंभो ॥३१॥
 एगुणतीससहस्सा सत्तेव सया हवंति छव्वीसा ।
 अंजणगपव्वयाणं धरणियले परिरओ होइ ॥३२॥
 पंचेव सहस्साइं दो चेव सया हवंति उ अणूणा ।
 अंजणगपव्वयाणं बहु मज्झे होइ विक्खंभो ॥३३॥
 सोलस चेव सहस्सा सत्तेव सया विउत्तरा होंति ।
 अंजणगपव्वयाणं बहुमज्झे परिरओ होइ ॥३४॥
 विक्खंभेणं जणगा सिहरतले होंति जोयणसहस्सं ।
 तिन्नेव सहस्साइं वावट्ठिसय परिरएणं ॥३५॥
 वड्ढंति एगपासे दस गंतूण पएसमेगंतु ।
 वीसं गंतूण हुवे वट्ठितिय दोसु पासेसु ॥३६॥

भिगं गरुडल कञ्जल अंजणधाउ सरिसा विरायंति ।

गगणसलमणुलिहंता अंजणगा पव्वया रम्मा ॥३७॥

अंजणगपव्वयाणं सिहरतलेसुं हवन्ति पत्तेयं ।

अरहंताययाणाइं सीहनिसाईणि तुंगाइं ॥३८॥

नर-मगर-विहग-वालग-नाणामणिरूव-रइयसोहाइं ।

सव्वरयणमयाइं अब्बप(अपच्च)क्खोभभूयाइं ॥३९॥

जोयणसयमायामा पन्नासं जोयणाइं विच्छिन्ना ।

पन्नत्तरिमुव्विद्धा अंजणगतले जिणाययणा ॥४०॥

अंजणगपव्वयाण उ सयसहस्सं भवे अब्बाहाए ।

पुव्वाए आणुपुव्वी पोक्खरणीओ उ चत्तारि ॥४१॥

पुव्वेण होइ नंदा नंदवई दक्खिणे दिसाभाए ।

अवरेण य णंदुत्तर उत्तरओ नंदिसेणाउ ॥४२॥

एगं च सयसहस्सं विच्छिण्णाओ सहस्समोविद्धा ।

निम्मच्छकच्छभाओ जलभरियाओ अ सव्वाओ ॥४३॥

पुक्खरणीण चउदिसि पंचसए जोयणाण बाहाए ।

पुव्वाइ आणुपुव्वी चउदिसि हेअंति वणसंडा ॥४४॥

पागार परिखित्ता सोहंते ते वणा अहियरम्मा ।

पंचसए विच्छिन्ना सयस्सहस्सं च आयामा ॥४५॥

पूव्वेण असोगवणं दक्खिणओ होइ सत्तिवन्नवणं ।

अवरेण चपयवणं चूयवणं उत्तारे पासे ॥४६॥

सव्वेसिं तु वणाणं वेइयरुक्खा हवन्ति मज्झम्मि ।
 नाणारयणविवित्ताहिं परिगया तेज्जवि दित्तीहिं ॥४७॥
 रयणमुहाउ दहिमुहा पुक्खरणीणं हवन्ति मज्झम्मि ।
 दस चेव सहस्सा वित्थरेण चउसट्ठिमुविद्धा ॥४८॥
 एकतीससहस्सा छच्चेव सया हवन्ति तेवीसा ।
 नगदहासु परिक्खेवो किंचि विसोसेण परिहीणा ॥४९॥
 संखदलविमलनिम्मलदहिघणगोखीरहारसंकासा ।
 गगणतलमणुलिहिता सोहन्ते दहिमुहा रम्मा ॥५०॥
 पत्तेयं पत्तेयं सिहरतले होंति दहिमुहनगाणं ।
 अरहंताययणाइं सीहनिसाईणि तुंगाणि ॥५१॥
 जो दिक्खण अंजणगो तस्सोव चउद्दिसिं च बोद्धव्वा ।
 पुक्खरिणीो चत्तारि वि इमेहिं नामेहिं विन्नेया ॥५२॥
 पुब्बेण होइ भद्दा होइ सुभद्दाउ दक्खिणे पासो ।
 अवरेण होइ ऊमुया उत्तरओ पुण्डरिगिणीओ ॥५३॥
 अवरेण अंजणो जो ऊ होइ तस्सोव चउद्दिसिं होंति ।
 पुक्खरिणीओ नामेहिं इमेहिं चत्तारि विन्नेया ॥५४॥
 पुब्बेण होइ विजया दक्खिणओ होइ वेज्जयंतीओ ।
 अवरेणं तु जयंतीओ अवराइ य उत्तरे पासो ॥५५॥
 जो उत्तर अंजणगो तस्सोव चउद्दिसिं च बोद्धव्वा ।
 पुक्खरिणीओ चत्तारि इमेहिं नामेहिं विन्नेया ॥५६॥

पुव्वेण नंदिसोणा अमोहा पुण दक्खिणे दिसि विभाए ।
 अवरेण गोच्छभा खलु सुदंसणा होइ उत्तरओ ॥५७॥
 एकासि एगनउ पाय पंचाणउइं भवे सहस्साइं ।
 नंदीसरवरदीवे ओगाहित्ताण रइकरगा ॥५८॥
 उच्च उत्तेण सहस्सं अड्डाइज्जे सए य उव्विद्धा ।
 दस चेव सहस्साइं विच्छिण्णा होंति रइकरगा ॥५९॥
 एकत्तीससहस्सा छच्चेव सए हवंति तेवीसे ।
 रइकरग परिकखेवो किंचि विसेसेण परिहीणो ॥६०॥
 एत्तो एक्केकस्स उ सयसहस्सं भवे अबाहाए ।
 पुव्वाइ आणुपुव्वी चउद्दिसि रायहाणीओ ॥६१॥
 जो पुव्वदक्खिणाए रइकरो तस्स चउद्दिसि होंति ।
 सक्कग्गमहिस्सीणं एया खलु रायहाणीओ ॥६२॥
 देवकुरु उत्तराकुरा एया पुव्वेण दक्खिणेणं च ।
 अवरेण उत्तरेण य तदुत्तरं नंदिसोणा य ॥६३॥
 एगं च सयसहस्सं विच्छिण्णाओ उ आणुपुव्वीए ।
 तं तिगुणं सविसेसं परिरएणं तु सव्वाओ ॥६४॥
 जो अवरदक्खिणे रयिकरो उ तस्सोव चउदिसं होंति ।
 सक्कग्गमहिस्सीणं एया खलु रायहाणीओ ॥६५॥
 भूयाभूयवडिसाय एया पुव्वेण दक्खिणेण भवे ।
 अवरेण उत्तरेण य मणोरमा अग्गिमालीया ॥६६॥

अवस्तार रइकरगे चउद्दिसि होंति तस्स एयाउ ।
 ईसाणअग्गमहिंसीणं ताओ खलु रायहाणीओ ॥६७॥
 सोमणस्सा य सुसीमा य पुव्वेणं दक्खिणेणं भवे ।
 अवरेण उत्तरेण य सुदंसणा चेव मोहाय ॥६८॥
 पुव्वत्तर रइकरगे तस्सेव चउद्दिसि भवे एया ।
 ईसाण अग्गमहिंसीण
 सालपरिवेडिय तणूठो (प्राकारपरिक्षेपेत्यर्थः) ॥६९॥
 रयणप्पहायरयणा पुव्वेणं दक्खिणेणं भवे ।
 सव्वरयणा दयणसंचया थ अवस्तारे पासो ॥७०॥
 दोकोडिसहस्साइं छच्चेव सायाइं एक्कवीसाइं ।
 चोयालसयसहस्सा विक्खंभो चक्कवालेणं ॥७१॥
 कुण्डलद्वीपः ।
 कोंडलकरस्स मज्झे णगुत्तमो होइ कुंडलो सेलो ।
 पागारसरिसरूवो विभयंतो कोंडलं दीवं ॥७२॥
 बायालीस सहस्से उव्विद्धो कुंडलो हवइ सेलो ।
 एगं चेव सहस्सं धरणियलमहे येमोगाढो ॥७३॥
 दस चेव जोयणसए बावीसं वित्थडो य मूलम्मि ।
 सत्तेव जोयणसए तेवीसे वित्थडो मज्झे ॥७४॥
 चत्तारि जोयणसए चउवीसे वित्थडो उ सिहरतले ।
 एयस्सुवरिं कूडे अहक्कम्मं कित्ताइस्सामि ॥७५॥
 पुव्वेण होंति कूडा चत्तारि उ दक्खिणे विचत्तारि ।
 अवरेणऽविचत्तारि उ उत्तरओ होति चत्तारि ॥७६॥

वडिरपभे वडिरसारे कणगे कचगुत्तमे इय ।
 रतप्पभे य रन्नवाऊ सृप्पभे य महप्पभे ॥७७॥
 मणिप्पभे य मणिहिये रूयगे एग वडिसए ।
 फलिहे अ महाफलिहे हिमवं मंदिरे इय ॥७८॥
 एएसि कूडाणं उस्सेहो पंचजोयणसयाइं ।
 पंचेव जोयणसए मूलम्मि उ वित्थडा कूडा ॥७९॥
 तिन्नेव जोयणसए पन्नत्तरि जोयणाइं मज्झम्मि ।
 अड्डाइज्जे य दसए सिहरतले वित्थडाकूडा ॥८०॥
 एगं चेव सहस्सं पंचेव सयाइं एकसीयाइं ।
 मूलम्मि उ कूडाणं स विसेसो परिरओ होइ ॥८१॥
 एगं चेव सहस्सं छलसीयं चेव होइ सयमेगं ।
 मज्झम्मि उ कूडाणं विसेसहीणो परिकखेवो ॥८२॥
 सत्तेव जोयणसए एगा नउइं च जोयणं होंति ।
 सिहरतले कूडाणं विसेसहीणो परिकखेवो ॥८३॥
 पलिओवमट्ठिईया नागकुमारा वसंति एएसु ।
 तैसिं नामावलियं अहक्कमं कित्तइस्सामि ॥८४॥
 तिसीसे पंचसीसे य सत्तसीसे महाभुजे ।
 पउमुत्तरे पउमसोणे महापउमे चेव वासुगी ॥८५॥
 चिरहियओ मउयहियओ सिरिवच्छो सोत्थिए इय ।
 सुंदरनागे विसालक्खे पंडुरंगे पंडुकेसीय ॥८६॥

कुंडलनगरस् अग्निभतरपासो होंति रायहाणीओ ।
 सोलस्स उत्तरपासो सोलसंपुण दक्खिणे पासो ॥८७॥
 जा उत्तरेण सोलस ताओ ईसाणलोगपालाण ।
 सक्कस्स लोगपालाणं दक्खिणे सोलस्स हवति ॥८८॥
 मज्झे होइ चउण्हं वेसमणपभो नगुत्तमो सेलो ।
 रइकरगपव्वयसमो उच्छेहुव्वेह विक्खंभो ॥८९॥
 तस्स य नगुत्तमस्स उ चउद्दिंसि होति रायहाणीओ ।
 जंबुदीव समाओ विक्खंभायामओ ताओ ॥९०॥
 पुव्वेण अयलभद्दा मसक्कसारा य होइ दाहिणओ ।
 अवरेण उ कुबेरा धणप्पभा उत्तरे पासो ॥९१॥
 एएणेव कमेणं वरुणस्स य होंति अवरपासम्मि ।
 वरुणप्पभसोलस्सवि चउद्दिंसि रायहाणीओ ॥९२॥
 पुव्वेण होइ वरुणा वरुणप्पभा दक्खिणे दिसाभाए ।
 अवरेण होइ कुमुया उत्तरओ पुंडरगिणीया ॥९३॥
 एएणेव कमेणं सोमस्सवि होंति अवरपासम्मि ।
 सोमप्पभ खेलस्सवि चउद्दिंसि रायहाणीओ ॥९४॥
 पुव्वेण होइ सोमा सोमपभा दक्खिणे दिसाभाए ।
 सिवपागारं अवरेण होइ णलिणा य उत्तरओ ॥९५॥
 एएणेव कमेणं अंतगस्सावि होइ अवरेणं ।
 जगवत्तिप्पभसोलस्स चउद्दिंसि रायहाणीओ

(अन्तासोलप्रभस्येत्यर्थः) ॥९६॥

पुव्वेण उ विसाला अईविसालाउ दाहिणे पासो ।
 सेयपभा अवरेणं अमया पुण उत्तरे पासो ॥९७॥
 सक्कस्स देवरत्तो जाओ य हवन्ति अग्गमहिसीओ ।
 तासिपिय पत्तेयं अट्ठेवय रायहाणीओ ॥९८॥
 जं नामा देवीओ तं नामा होंति रायहाणीओ ।
 सक्कस्स देवरत्तो ताओ उ हवन्ति दक्खिणओ ॥९९॥
 ईसाणदेव रत्तो जाओ उ हवन्ति अग्गमहिसीओ ।
 तासि पि य पत्तेयं अट्ठेवय रायहाणीओ ॥१००॥
 जं नामा देवीओ तं नामा होंति रायहाणीओ ।
 इसाणदेवरत्तो तासि तु हवन्ति उत्तरओ ॥१०१॥
 कुंडलवरस्स बाहि छसु चेव हवन्ति सयसहस्सेसु ।
 तेत्तीसं रइकरगा उ पव्वया तत्थ रम्माओ ॥१०२॥
 सक्कस्स देवरत्तो तायत्तीसा हवति जा देवा ।
 उप्पायपव्वया खलु पत्तेयं तेसि बोद्धव्वा ॥१०३॥
 एत्तो एक्केक्कस्स उ चउद्दिसि होंति रायहाणीओ ।
 जंबुदीवसमाओ विक्खंभायामओ ताओ ॥१०४॥
 पढमा सयसहस्सा विइया तिसु चेव सयसहस्सेसु ।
 पुव्वाइयाऽऽणुपुव्वी तासि नामाइं कित्तेऽहं ॥१०५॥
 विजया य वेजयंती जयंती अपराइया य बोद्धव्वा ।
 तत्तो य नलिणनामा नलिणगुडमाय पउमाय ॥१०६॥

ततो य महाउपमा अट्टेव होंति रायहाणीओ ।
चक्कज्जया य सच्चा सब्बा वयरज्ज जा चेव । १०७।

सक्कस्स देवरण्णो तायत्तीसाण अग्गमहिसीणं ।
तासिं खलु पत्तेयं अट्टेव य रायहाणीओ । १०८॥

जन्नामा से देवी तन्नामा तासि रायहाणीओ ।
इसाणदेवरत्तो तायत्तीसाण उत्तरओ ॥ १०९॥
बावन्ना बायाला छलसीई दसजोयणसहस्सा ।
गोतित्थेण विरहियं खेत्तां खलु कुंडलसमुदे ॥ ११०॥

अथ रुचकद्वीपः ॥

दसकोडि सहस्साइं चत्तारि सयाइं पंचसीयाइ ।
बावत्तारि च लक्खा विक्खंभो रत्तमदीवस्स ॥ १११॥

रुयगवरस्स मज्झे णगुत्तमो होइ पव्वओ रुयगो ।
पागारसरिसरूवो रुयगं दीवं विन्नयमाणो ॥ ११२॥

रुयगस्स उ उस्सेहो अउरासीई भवे सहस्साइं ।
एगं चेव सहस्सां धरणियलमहे समोगाढो ॥ ११३॥

दस चेव सहस्सा खलु बावीसां जोयणाइं बोद्धव्वा ।
सिहरतले विक्खंभो रुयगस्स उ पव्वयस्स भदे ॥ ११४॥

सिहरतलम्मि उ रुयगस्स अउर कूडा चउट्ठिसिं तत्थ ।
पुव्वाई आगुपुव्वी तेसिं नामाइं कित्तेऽहं ॥ ११५॥

पुव्वेण अट्ठ कूडा दक्खिणओ अट्ठ २ अवरेणं ।
 उत्तरओ अट्ठ भवे चउद्दिंसि होंति रुयगस्स ॥११६॥
 कणगे१ कंचणगे२ तवण३ दिसासोवत्थिए४ अरिट्ठे५ य ।
 चंदण६ अंजणमूले७ वइरे८ पुय अट्ठमे भणिए ॥११७॥
 नाणारयणविचित्ता उज्जोयंता हुयासण सिहा व ।
 ए ए अट्ठवि कूडा हवंति पुव्वेण रुयगस्स ॥११८॥
 फलिहे१ रयणे२ भवणे३

पउमे४ नलिणे५ ससी६ य नायव्वे ।

वेसमणे७ वेरुलिए८ रुयगस्स हवंति दक्खिणओ ॥११९॥
 नाणारयणविचित्ता अणोवमा धंतरूव संकासा ।
 ए ए अट्ठवि कूडा रुयगस्स हवंति दक्खिणओ ॥१२०॥
 अमोहो१ सुप्पबुद्धे य२ हिमवं३ मंदिरे इय ४ ।
 रुयगे५ रुयगुत्तरे६ चंदे७ अट्ठमे य सुदंसणे८ ॥१२१॥
 नाणारयणविचित्ता अणोवमा धंतरूव संकासा ।
 ए ए अट्ठवि कूडा रुयगस्स वि होंति पच्छिमओ ॥१२२॥
 विजए१ य वेजयंते२ जयंत३ अपराइए४ य बोद्धव्वो ।
 कुंडल५ रुयगे६ रयणुच्चए य ७ तह सव्वरयणे य १२३
 नाणारयणविचित्ता उ उज्जोवेंता हुयासण सिहा य ।
 ए ए अट्ठवि कूडा रुयवस्स हवंति उत्तरओ ॥१२४॥
 पलिओवमट्ठिईया एएसुं खलु हवंति कूडेसुं ।
 पुव्वेण आणुपुव्वी दिसाकुमारीण ते हुंति ॥१२५॥

नंदुत्तरा१ य नंदा२ आणंदा३ तह य नंदिसोणा४ य ।
 विजया य५ वेजयंती६ जयंती७ अवगाइया चेव८ । १२६ ।
 एया पुरत्थिमेणं रुयगंमि उ अट्ठ होंति देवीओ ।
 पुव्वेणं जे उ कूडा अट्ठवि रुयगे तहिं एया ॥ १२७ ॥
 लच्छिमई१ सेसमई२ चित्तगुत्ता३ वसुंधरा४ चेव ।
 समाहार५ सुप्पदिन्ना य६ सुप्पबद्धा७ जसोधरा८ १२८
 एयाओ दक्खिणेणं हवंति अट्ठवि दिसाकुमारीओ ।
 जे दक्खिणेन कूडा अट्ठवि रुयगे तहिं एया । १२९ ।
 इलादेवी१ सुरादेवी२ पुहई३ पउमावई य४ विन्नेया ।
 एगनासा५ णवमिया६ सीवा७ भदाय अट्ठमिया । १३० ।
 एयाओ पच्छिमदिसा समासिया अट्ठदिसकुमारीओ ।
 अवरेण जे उ कूडा अट्ठवि रुयगे तहिं एया । १३१ ।
 अलंबुसा१ मोसकेसी२ पुंडरगिणी३ वारुणी४ तहा ।
 आसा५ सग्गप्पभा६ चेव

सिरि७ हिरी८ चेव उत्तरओ ॥ १३२ ॥

एया दिसाकुमारी कहिया सव्वण्णु सव्वदरिसीहिं ।
 जे उत्तरेण कूडा अट्ठवि रुयगे तहिं एया ॥ १३३ ॥
 जो उण साहस्सीया रुयगवरे पव्वयम्मि चत्तारि ।
 पुव्वाइ आणुपुव्वी दीवाहिवईण आवासा ॥ १३४ ॥

पुव्वेण उ वेहलियं मणिकूडं पच्छिमे दिसाभागे ।
 रुयगं पुण दक्खिणओ रुयगुत्तरमुत्तरे पासे ॥१३५॥
 जोयण सहस्सियाणं ए ए कूडा हवंति चत्तारि ।
 पुव्वाइयाणुपुव्वो ते होति दिसाकुमारीणं ॥१३६॥
 पुव्वेण य वेहलियं मणिकूडं पच्छिमे दिसाभागे ।
 रुयगं पुण दक्खिणओ रुयगुत्तरमुत्तरे पासो ॥१३७॥
 रुया रुय सा सुखावइ रुवकान्ता रुवप्पभा ।
 पुव्वाइ आणुपुव्वी चउदिसिं तेसु कूडेसु ॥१३८॥
 पलिओवमं दिवड्डं ठिइ उ एयांसि ।
 एक्केक्कम्म परियायं होइ अट्ठण्ह कूडाणं ॥१३९॥
 पुव्वेण सोत्थि कूडं अवरेण य नंदणं भवे कूडं ।
 दक्खिणओ लोग्हियं उत्तरओ सव्वभूय्हियं ॥१४०॥
 जोयण सहस्सीया ए ए कूडा हवंति चत्तारि ।
 पुव्वाइ आणुपुव्वी विज्जुकुमारीण ते होति ॥१४१॥
 चित्ता य चित्तकणगा३ सतेरा३ सोयामणी४ य णायव्वा ।
 एया विज्जुकुमारी साहिय पलिओवमद्वितिया ॥१४२॥
 विज्जुयकुमारीणं दक्खिण कूडा दिसागइंदाणं ।
 तत्तो मयहरियाणं

-विज्जुकुमारीणं मज्झओ होति ॥१४३॥

रुयवरस्स उ बाहिं ओगाहिताण अट्टलक्खाइं
 चुलसीई सहस्साइं रयकरगा पव्वया रम्मा ॥१४४॥
 सव्वस्स देवरण्णो सामण्णा खलु हवन्ति जे देवा ।
 उववाय पव्वया खलु पत्तोयं तेसि बोद्धव्वा ॥१४५॥
 एत्तो एक्केक्कस्सउ चउद्दिंसि होन्ति रायहाणीओ ।
 जंबुद्दीवममाओ विक्खंभायामओ ताओ ॥१४६॥
 पढमाओ सयसहस्से बिइयासु चव सयसहस्सेसु ।
 पुव्वाइआणुपुव्वो तेसि नामाणि कित्तोऽहं ॥१५०॥
 पुव्वाइ आणुपुव्वी तत्तो नंदा उ होइ नंदवई ।
 अवरेण य नंदुत्तर उत्तरओ नंदिसोणाओ ॥१५१॥
 भद्दा य सुभद्दा य कुमुया पुण होइ पुंडरिगिणोउ
 चक्कज्झया य सव्वा सव्वा वयरज्झया चेव ॥१५२॥
 एवं ईसाणस्स वि सामाण सुराण रइकग रम्मा ।
 नंदार्ह णगरोहि अ परियरिया उत्तरे पासो ॥१५३॥
 जंबुद्दीवाहिवई अणाढिउ सुट्ठिओ य लवणस्स ।
 एत्तो य आणुपुव्वी दो दो दीवे समुद्दे य ॥१५४॥
 प्रियदंसणे पभासो काले देवे तहा महाकाले ।
 पउमे य महापउमे सिरेधरे महिधरे चेव ॥१५५॥
 मणिप्पभे य उप्पभे चेव अग्गिदेवे तहेव अग्गिजसो ।
 कणगे कणगप्पभे चेव तत्तो कंते य अइकंते ॥१५६॥

सर्वेष्वद्वाद्दशेष्वंकत्रयस्त्रूटिर्दृश्यते संबन्धस्त्वंडेव ॥

दामद्वी हरिवारण ततो सुमणे य ।

अविसोम वीयसोगे सुभद्मद्दे सुमणभद्दे ॥१५७॥

शङ्खवरद्वीपः ॥

संखवरे दीवम्मि अ संखे संखप्पभे य दो देवा ।

कणगे कणगप्पभे चेव संखवर समुद्द अभिवाओ ॥१५८॥

मणिप्पभे मणिहंसे य कामपाखे य कुमुदकेऊ य ।

कुंडल कुडलभद्दे समुद्दभद्दे सुमणभद्दे ॥१५९॥

सव्वुत्तामणोरह सव्वकाम सिद्धे य रुयण जगदेवा ।

तह माणुसुत्तरनगे चक्खुसहे चक्खुकंते य ॥१६०॥

तेण परं दीवाणं उदहीणं च सरिसनाममादेवा ।

एक्केक्क सरिसनामा असंखेज्जा होंति णायब्बा ॥१६१॥

वासाणं व दहाणं वासहराणं महाणईणं च ।

दीवाणं उदहीणं पलिओवमगा उ अहिवइणो ॥१६२॥

दीवाहिवईण भवे उब्बाओ दीवमज्झयारम्मि ।

उदहिस्स य आकीला दीवेसुं सागरवईणं ॥१६३॥

रुयगाओ य समुद्दा (परओ) दीवा य भवे असंखेज्जा ।

गंतूण होइ अरुणो दीवो अरुणो तओ उदहीं ॥१६४॥

वायालीस सहस्सा अरुणं ओगाहिऊण दक्खिणओ ।

वरवइर विग्गहीओ सिलनिच्चओ तत्थ तेगिच्छी ॥१६५॥

सत्तरसएकवीसाइं जोयणसयाइं सो समुव्विद्धो ।

दस चेव य बावीसे मूले विच्छिण्णु

होइ नायव्वो (गीतिः) ॥१६६॥

जोयण चउरस एकसो चउवीसे वित्थडो उ मज्झम्मि ।

सत्तेव य तेवीसे सिहरतले वित्थडो होइ ॥१६७॥

सत्तरसेकवीसाइ पएसाण सयाहं गंतूणं ।

एक्कारसछमउया वडुंते दोसु पासोसु ॥१६८॥

बत्तीस सया बत्तीस उत्तरा परिरओ विसोसणो ।

तेरस इयालाइं बावीसं छविहिया परिही ॥१६९॥

रयणमओ पउमाए वणसंडेणं च सो परिक्वित्तो ।

मज्झे सो उववेढो अड्डाइज्जाइ उव्विद्धो ॥१७०॥

विच्छिण्णो पुण वीसं तत्थ य सीहासाणं सपरिवारं ।

नाणामणिरयणमयं उज्जोयंतं दस दिसाओ ॥१७१॥

तेगिच्छि दाहिणओ उ णट्टकोडीसायाइ कोडिपण्णपच्चं ।

संलक्खाइ पंच य पंच य कोसो अइवइत्ता ॥१७२॥

ओगाहित्ताण अहो चत्तालीसं भवे सहस्साइं ।

अब्भितर चउरंसा वाहिं वट्ट चमरचंचा ॥१७३॥

एगं च सयसहस्सं विच्छिण्णो होइ आणुपुव्वीए ।

ते तिगुणं सविसोसं परीरणं तु बोद्धव्वा ॥१७४॥

पायारो नायव्वो रायहाणीए चमरचंचाए ।

जोयणसायं दिवडुं उव्विद्धो होइ सव्वत्तो ॥१७५॥

पन्नासं पुण वीसं अड्डुतेरसओ जोयणाइं तु ।
 मूले मज्झे उवरिं विक्खंभो सुवन्न सालस्सा ॥१७६॥
 कविसीमया य नियमा आयामेणऽद्रू जोयणं सव्वे ।
 कोसं विक्खंभेणं देसूणं अद्ध जोयणं उच्चा ॥१७७॥
 एक्केक्की वाहाए दाराणं पंच पंच य सयाइं ।
 तेसिं तू उच्चत्तं अट्ठाइज्जं सया होंति ॥१७८॥
 चाराणं विक्खंभो पणवीससयं तहा पवेसोय ।
 नगरीए चउट्ठिसिं पंचेव उ जोयणसयाइं ॥१७९॥
 गंतूणं वणसंडा चउरो आयामओ य भणिया ।
 साहीय सह संजोयणाण विक्खंभओ पंच ॥१८०॥
 दारपमाणा चउरो वडिसका तत्थ पल्लय ठितीया ।
 देवाअ असोअ तह सत्तिवन्ना चंदे य भूए य ॥१८१॥
 चंचाए बहुमज्झे विक्खंभायम्मि सोलस सहस्सा ।
 अह उवकारिय लेणे वाहलेणं अड्डुजोयणीए ॥१८२॥
 पउमवरवेइयाए वणसंडेणं च स परिक्खित्ते ।
 तस्स य बहुमज्झदेसे वडेंसगो सामण्णो य ॥१८३॥
 दारप्पमाणसरिसो उ सोउ तत्थेव हवइ पासाओ ।
 सो होइ परिक्खित्तो चउट्ठि उ पासायपंतीहि ॥१८४॥
 सयमेगं पणवीसं बावट्ठिं जोयणाइं अद्धं च ।
 एकत्तीस सकोसे य ऊसिया वीत्थडा अदुं ॥१८५॥

पासायस्स उ पुव्वुत्तरेण एत्थ उ सभा सुहम्माओ ।
 तत्तो य वैइअघरं उववायस्सभा य इरओ य ॥१८६॥
 अभिसेक्का अलंकारिय ववसाया ऊसिया उ छत्तीसं ।
 पन्नासइया यामा आयामऽद्धं तु विच्छिण्णा ॥१८७॥
 तिदिंसिं होंति मुहम्माए तिन्नि दाराओ अड्ड उव्विद्धा ।
 विक्खंभो य पवेसो ज जोयणा तेसिं चत्तारि ॥१८८॥
 तेसिं पुरओ मुहमंडवाओ पेच्छाघरा य तेसु भवे ।
 पेच्छाघराणमज्झे अक्खाडा आसणा रम्मा ॥१८९॥
 पाङ्कजो दो०२ पेच्छाघराण

पुरओ थूभा तेसिं चउद्दिंसिं होंति ।
 पत्तेय पेढियाओ जिणपडिमा एत्थ पत्तेयं ॥१९०॥
 थूभाण होंति पुरओ पेढिया तत्थ चेइयदुमाओ ।
 चेइयदुमाण पुरओ उ पेढियाओ मणिमईओ ॥१९१॥
 तासुप्परि महिदज्झया य तेसु पुरओ भवे नंदा ।
 दसजोयण उब्बोढा इरवोऽपि दसोव विच्छिण्णो ॥१९२॥
 एसेव जिणवरस वि हवइ गमो ।
 सेसियाणविसमाणं जं पि य सो

नाणतं तंपि य वोच्छं समासेणं ॥१९३॥
 बहुमज्जदेसपेढिय तत्थेव य माणवो भवे खंभो ।
 चउवीस कोडिमंसिये बारसमद्धं च हेठ्ठुवरि ॥१९४॥

फलिया तहियं नामदंतया य सिक्के तहिं वइरमया ।
 तत्थ उ होंति समुग्गा जिणसकहा तत्थ पन्नत्ता ॥१९५॥
 माणवनगस्सा पुब्बेणं आसाणं पच्छिमेण सायणिज्जं ।
 उत्तरओ सायणिज्जस्सा होइ इंदज्जओ तुंगो ॥१९६॥
 पहरणकोसे इंदज्जयस्सा अवरेण इत्थ चोकालो ।
 फलिहप्पा मोक्खाणं निक्खेव निदीपहरणाणं ॥१९७॥
 जिणदेवच्छंदयो जिणघरम्मि पडिमाण तत्थ अड्डसायं ।
 चमराणं घारा खलु पुरओ घंटाण अट्टसायं ॥१९८॥
 सोस सामाण उ मज्झे हवंति

मणिवेढिया परमवेढिया परमरम्मा ।
 तत्थासणा महरिहा उववाय सभाए सायणिज्जं ॥१९९॥
 मुहपंडवये वाहर हरओ दागय सह पमाणाइं ।
 थूभा उ अट्ट च भवेदारस्सा उ मंडवाणं तु ॥२००॥
 उव्विद्धा दीनं उग्गया य विच्छिण्णजोयणद्धं तु ।
 माणवगमहिंदज्जाया हवंति इंदज्जया चेव ॥२०१॥
 जिण दुसु सुहम्म चेइयघरेसु जा पेढियाय तत्थभवे ।
 चउजोयण बाहल्ला अट्टेव उ वित्थडायामा ॥२०२॥
 सेसाचउ आयामा बाहल्लं दोणिण जोयणे तेहिं ॥
 सव्वे य वेइयदुमा अट्टेव य जोयणुव्विद्धा ॥२०३॥
 छज्जोयणाइं विडिमा उव्विद्धा अट्ट होइ विज्जिणा ।
 संधीओ जोयणिओ विक्खंभोवेइओ कोसं ॥२०४॥

नयरीए उत्तरेणं नवेव खलु जोयणाण लक्खाओ ।
 अरुणोदगे समुद्दे गंतूणं पंच आवासा ॥२०५॥
 पढमे सयंपभे चेव तत्तो खलु होइ पुप्फकेऊय ।
 पुप्फावत्ते पुप्फफ्ले य पुप्फुत्तरे पासे ॥२०६॥

अग्गमहिसी—

परिसाणं चेव तहा नगरीओ हेति अग्गमहिसीणं ।
 सामाणिया सुराणं तावत्तीसाण तिण्हं च ॥२०७॥
 सिवमंदिराउ चोद्दस सहस्सिया सा भवे वरुणस्त ।
 सोलस साहसीया वडरमंदिरा सा नलस्स भवे ॥२०८॥
 अवरेण अन्नियाणं चउद्दिसि होइ आयरक्खाणं ।
 बारससहस्सियाओ बाहि अट्टारयण चित्ता ॥२०९॥
 परिसाणं सोमणसाउ सुसीमा सोमजमाणं

तु रायहाणीओ ।

बारस सहस्सियाओ बाहि वट्टारयण चित्ता ॥२१०॥
 अरुणस्स उत्तरेणं बायालीसं भवे सहस्साइं ।
 ओवाहिऊण उद्दिहि किल नियओ रायहाणीओ ॥२११॥
 वेरोयण पभकंते सयव्वऊ वुच्चए सहस्सेया ।
 तह मणो रमे पंचमे भणिए ॥२१२॥
 परिमाणं चेव तहा नयरीओ हेति अग्गमहिसीणं ।
 सामाणियासुराणं तावत्तीसाण तिण्हं च ॥२१३॥

परिसाणं सोमलमाउ सुसीया सोमजमाणं तु
 रायहाणीओ ।
 चोइस सहस्सिया सो बाहिं वट्टारयणचित्ता ॥२१४॥
 अवरेण अ नियाणं चउदिसं हेति आयरक्खाणं ।
 बारस पउस्सियाओ बाहिं वट्टा रयणचित्ता ॥२१५॥
 सिवमंदिराउ सोलस सहस्सिया सा भवेउ अरुणस्स ।
 अट्टमसाहस्सी वइरमंदिरा सा णलस्स भवे ॥२१६॥
 धरणस्स नागरण्णो सुहवइ परियाए दक्खिणे पासे ।
 गंधवइ परियाओ भूयाणंदस्स उत्तरउ ॥२१७॥
 उवत्तेण सहस्सं सहस्समेगं च मूलविच्छिण्णा ।
 अद्धट्टमा उ मज्झे उवरि पुण होंति पंचसए ॥२१८॥
 दो चेव जंबुदीवे चत्तारि य माणुसुत्तरनग्गम्मि ।
 छच्चारुणे समुद्दे अट्ट य रुवगम्मि दीवम्मि ॥२१९॥
 असुराणं नागाणं उदहिकुमाराण होंति आवासा ।
 अरुणोदए समुद्दे तत्थेव य तेसि उप्पाया ॥२२०॥
 दीवदिसाअग्गीणं थणियकुमाराण होंति आवासा ।
 अरुणवरे दीवम्मि उ तत्थेव य तेसि उप्पाओ ॥२२१॥
 चोयालसयं पदमिल्लुयाए पंतीए चंदसूराणं ।
 तेण परं पंतीओ चउरोत्तरियाए बुद्धीए ॥२२२॥
 जो जाइं सयसहस्साइं वित्थडो सागरो न दीवो वा ।
 तावइयाओ तहियं पंतीओ चंदसूराणं ॥२२३॥

॥ दीवसागरपण्णतिसंघयरणी-
गाहाओ संमताओ ॥

